

Gvangjsih Minzcuz Bau

广西民族报 ganhhau: CN45-0036 B.2021 Nd.5 Ng.5 liggaeuq sincouj nienz ndwensam ngeihseiq

Baihguenjbanh:

Gvangjsih Bouxcuengh Swcigih
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3472geiz
Geiz neix 8 banj

Siz Ginbingz: Cauhlaeb Aen Guengjsae Gyaendei Sevei Cuiyi Miz Gij Daegsaek Cungguk Seizdaih Moq

习近平：建设新时代中国特色社会主义壮美广西

Cunghung Cunghyangh cungj-suhgi、Guekgya cujsiz、Cunghyangh Ginhveij cujsiz Siz Ginbingz mboengqneix cazyawj Gvangjsih le gangjah dawznaek naeuz: Baenzlawz cungj aeu ciuq gij gietdingh caeuq baijbouh Cunghyangh bae guhdaengz caezcup, naemj doh, dawzcinj, hengz caez aen hwngfat leixniemh moq, dingjmaenh aen diuhgoek guhhong youq ndaw bingzonj gouz baenaj, gamj

siengj gamj guh, gyonj rengz guhdoih, dangrap caen guh, cingjdaej suenqveh fuengzre gaemhaed binghrau caeuq hwngfat ginghei nem ndawbiengz, cingjdaej suenqveh hwngfat caeuq ancienz, daemh ok roen moq doinyoengx ranghdieng minzcuz henzguk hwngfat ndeindet, guh baenzsah moq fugsah caeuq yungzhaeuq gij gapgyaq hwngfat moq, caiq yamqbae moq doinyoengx gij hwngfat saekheu

baenaj, caiq dangrap moq gya' maenh caeuq gya ndei gak cuz caezhoz, aenbiengz onjdingh, henzguk caemdingh, cauhlaeb aen Guengjsae gyaendei sevei cuiyi miz gij daegsaek Cungguk seizdaih moq.

4 nyied 25 hauh daengz 27 hauh, Siz Ginbingz miz Gvangjsih Bouxcuengh Swcigih Dangiveij suhgi Luz Sinhse caeuq swcigih cujsiz Lanz Denhliz buenxriengz, gonqlaeng daeuq

daengz Gveilinz、Liujcouh、Nanzningz daengj dieg, bae daengz ndaw gijnen-gvanj、lajmbanj、giyez、bozvuzgvanj daengj, cazrox caeuq naemjngeix hongsaeh ciuq gij cingsaenz Gaiq Cibgouj Hajcung Cienzhohi Aendangj guhdaengz caezcup, guh hagsib songyauq lizsij aendangj, doinyoengx "cibsei q haj" hai hong ndei hwnjdin ndei daengj.

(Sinhvazse)



Se Vanciz ingj

Gak Cuz Lwgminz Fwngz Doxyien Sim Doxlien Caezhoz Buekguh Baenaj

各族人民心手相牵团结奋进

4 nyied 27 hauh banhaet, Cunghung Cunghyangh cungj-suhgi、Guekgya cujsiz、Cunghyangh Ginhveij cujsiz Siz Ginbingz daeuq daengz Gvangjsih Minzcuz Bozvuzgvanj—youq henz Dah Yunghgyangh ndaw Nanzningz Si, ngonzyawj gij langhbaij vwnzva Bouxcuengh. Youq baihrog bozvuzgvanj, gij hozdung minzcuz vwnzva lumj "ciet hawfwen" sam nyied sam daengj ngamj youq gizneix comz

guh. Siz Ginbingz gangjah dawznaek gijneix, Gvangjsih dwg aen gih yienghbanj daengx guk minzcuz caezhoz baenaj, aeu laebdaeb langh ndei gij rengz yienghbanj caeuq daiqdoengh. Gak minzcuz doengzdoh caezhoz baenaj, guhdoih mwnhoengh hwngfat dwg diuzmingh, goengrengz Cunghvaz Minzcuz, raeuz guh hongsaeh moq gizgiz aeu hwnq baenz aen

guekgya sevei cuiyi yendaiva, ndawde mbouj ndaej noix aen minzcuz lawz, gak cuz lwgminz aeu fwngz doxyien sim doxgyaez, caezhoz buekguh baenaj, guhdoih hawj Cunghvaz Minzcuz coglaeng hwngfat ndaej ndeindet, doengzdoh baengh minzcuz fukhwng hungmbwk youh lwenqda ndaejleih.

(Gyauz Yaujyingz Lij Siengh-bingz Mung Cinhingh)

SIUSIK DINJ

简讯

● Mboengqneix, Swcigih Caizcwnghingh lwnh vunzlai, bineix geiqdoh daih' it daengx gih caizcwngh souhaeuq 858.34 ik maenz, beij bi' gvaq caemh duenh gyalai 14.8%, beij bi' gyai caemh duenh gyalai 9.6%, song bi bingzyaenz gyalai 4.7%.

(Coh Hungzmeiz)

● Mboengqneix, Nanzningz Haijgvanh lwnh vunzlai, bineix geiqdoh daih' it Gvangjsih caeuq rogguek gaicawx gungh baenz 1385.1 ik maenz, beij bi' gvaq caemh duenh gyalai 50.7%, gij gyalai de beij daengx guk lai 21.5%. Ndawde, gai okbae ndaej 788.3 ik maenz, beij bi' gvaq caemh duenh gyalai 64.1%; cawx doxhaeuq bae 596.8 ik maenz, beij bi' gvaq caemh duenh gyalai 36%.

(Gangh Anh)

● Mboengqneix, Hozciz Si Gyauhdungh Yinsuh Giz lwnh vunzlai, bineix geiqdoh daih' it aen si neix gyonjsuenq roengzcienz 65.3 ik maenz, guhsat gij yinvu gaxgonq dingh de 142%.

(Liu Ginlingz)

● Ciuq gyoebusuenq mbouj liux, suenq daengz 3 nyied daej, Gveigangj Si Cindzangz Gih gij gunghyez baenz gveihmoz doxhwnj de cungcanjciz miz 95.8 ik maenz, beij bi' gvaq caemh duenh gyalai 29.2%, gunghyez ginghei bauj hwngfat ndeindet.

(Dangz Cwngfangh)